

---

EW NOMOPUNG

A ATAENO EWE VOCATIONAL SCHOLARSHIP PROGRAM, A FORATA EW VOCATIONAL SCHOLARSHIP AND TRAINING FUND, PWAN AWORA UKUKUN RUWE NGOROU CHANA (\$20,000)

EPWE PUNG ME REN EWE TRUK DISTRICT LEGISLATURE PWE:

Tetten 1. Katanoon. Annukun Chuuk Nampa 21-6, a forata ewe Truk District Vocational Scholarship Program iei a katano.

Tetten 2. Forutan. Sapun 4, Itenap 15, me non ewe Truk District Code, iei a foruta ren an epwe ne iei usun napanapan:

"Sapun 4

Monien Vocational Scholarship me Training

Tetten:

76. Forutan

77. Tumunun

78. Repot

79. Mumutan Kaworen Moni

§ 76. Forutan. Iei a foruta ew Monien Vocational Scholarship me Training. Ei moni epwe nounou ren an epwe awora scholarship me training program ngeni aramas mei angang, ika kut ar angang non ekkewe pekin angangen pisinis non Chuuk ren ar repwe tongeni sinenap non ekkewe pekin angang mei namot ngeni pekin effeifeitan pekin moni non fonuwen Chuuk.

§ 77. Tumunun. Ewe Meinapen Education non Chuuk, ika io a kefinita pwe epwe tupuni, iei a mumuta ngeni an epwe wisen tumunu ei moni mei kawor fan pungun ei Namopung. Nounoun ei moni epwe anongonong woon ewe Truk District Legislature Indicative Development Plan mei kopungunno non Pochokunen Annuk No. 6-56.

§ 78. Repot. Ewe Meinapen Education, ika io a kefinita pwe epwe wisen tupuni, epwe fori an repot iteiten ier, epwe tichiketiw met ewe moni a nounou ngeni ren an epwe katonong ngeni ewe Truk District Legislature non ika mwen May 1, iteiten ier.

§ 79. Mumutan Kaworen Moni. Iei a mumuta an epwe kawor iteiten ier, och moni woon ukukun fite ewe Legislature a ekieki pwe mei tongeni naaf ika namot ngeni angangen ei Sapun."

Tetten 3. Kaworen Moni. Iei a kawor seni Monienapén Legislature, ukukun ruwe ngorou chana (\$20,000) ren fan asengesin ei Monien Vocational Scholarship and Training.

Tetten 4. Niwinsefanin. Met ukukun nussun ei moni mi kawor esemwo it ne nounou tori non September 30, 1977, epwe niwinsefaninong non ewe Monienapen Legislature.

Tetten 5. Poputan Pochokunan. Ei Nomopung epwe poputa pochokunan fansoun chok an a kapungunno me ren ewe Kepina non Chuuk, ika, murin chok an a pusin winiti ew annuk ina mwo ika ewe Kepina esemwo chiwen apungunno.

Sain seni: K. Sana  
Koichi Sana, Speaker  
Truk District Legislature

Annatata: Datasy Albert  
Datasy Albert  
Legislative Clerk/Secretary  
Truk District Legislature

Pwinin maram: 7/1/76

A kapungunno seni: Mitaro S. Danis  
Mitaro S. Danis  
District Administrator, Truk

Pwinin maram: 7/15/76